

【如來有十種佛事】（科註第七六九頁第六行）

《八十華嚴卷四六·佛不思議法品第三十三之一》：

佛子，諸佛世尊，於一切世界一切時，有十種佛事。何等為十？

- 一者若有眾生，專心憶念，則現其前。
- 二者若有眾生，心不調順，則為說法。
- 三者若有眾生，能生淨信，必令獲得無量善根。
- 四者若有眾生，能入法位，悉皆現證，無不了知。
- 五者教化眾生，無有疲厭。
- 六者遊諸佛剎，往來無礙。
- 七者大悲不捨一切眾生。
- 八者現變化身，恆不斷絕。
- 九者神通自在，未嘗休息。
- 十者安住法界，能遍觀察。是為十。